

839.6

T398

pam

Gilsbakka-Ljód

eptir

S. Thorsteinsson

UNIVERSITY OF ILLINOIS
LIBRARY

Class

839.6

Book


T39g
pamg

Volume

Heyne Library 1909

My 09-10M





GILSBAKKA-LJÓÐ

KVÆÐI

EPTIR

STEINGR. THORSTEINSSON

REYKJAVÍK 1877
PRENTSMÍÐJA „ÍSAFOLDAR“
SIGM. GUDMUNDSSON

839.6
T39
par

Digitized by the Internet Archive
in 2017 with funding from
University of Illinois Urbana-Champaign Alternates

n glæsta fjallsýn geðjast mér
rá *Gilsbakkannum* háa,
ar héraðs-bygðin hagsæl þver
ið hrjóstur-óbygð gráa.
vestri brosir bygðin öll
g blómleg *Hvítársíða*,
austri jöklar orpnir mjöll
er ögra fram til hliða.

ar *Eiríks-jökull* ógna-hár
eð is og helblá klungur
g *Langi-jökull* gegnt við gljá'r
eð glæjar fannabungur.
n bjart er *Ok* í suðri' að sjá
eð silfurbreðann skæra,
ar sofa ský, er skuggum slá
skafl og sig ei hræra.

Við hnúfur jökla í austurátt
 Eg efst sè *Strúlinn* reigjast,
 Og *Hafrafellið* heiðishlátt
 Að hnúkum *Geitlands* teygjast.
 Sem haf er þaðan hraunvídd grá,
 En hýrt á neðra sviði
 Í dalnum grær þar Eden á
 Af anganbirkis víði.

Nú lækkar sól og himinhöll
 Af heiðgulls roðnar móðu
 Og ljósálfarnir leika um fjöll
 Við landvættina góðu.
 Þá uni jeg mèt efst við gil,
 Í einverunni falinn,
 Við svalan blæ og sælan yl
 Og sjónum renni um dalinn.

Hér streymir úrsvöl, undurtær
 Að ofan jökul-kylja,
 En neðan ilmsæll birkiblær
 Úr brekkum skógargilja,
 Og mætast svo á miðri leið,
 Hið mjúka blandast stríðu,
 Sem manndóms-hreystin minnist hei
 Við meyjar hreina blíðu.

g hær eg finn þig, fósturjörð!
 Leð fjölbreyttasta lyndi,
 Leð brosin ljúf, með hótin hörð,
 Leð hátign, strangleik, yndi,
 Leð efra helfríð, hrikavæn,
 Tú hreifir vetrar kífi,
 En neðra sólblíð, sumargræn,
 Tú svellur öll af lífi.

Tú himinn alskær! öldnu fjöll!
 Leð yðar tign er blandin
 Min minnisríka sagan snjöll
 Og sviphreinn fornlífs-andinn.
 Þrá fannajöklum fram að sæ
 Og fljótsins breiðum ósi,
 Hann helgar yður heiðum blæ
 Af horfins tíma ljósi.

Eg kominn er á *Hermunds-hól*
 Og hlýrans fræga minnist,
 Tú grund er fræg, sem *Gunnlaug* ól,
 Þó gröf hans hvergi finnist.
 Þvo svipstór fold hóf svein á legg,
 Er Sjafnar-draumnum trúði,
 Sem fastast hjó með hneitis egg
 Og hörpu snjallast knúði.

Við dýrðar-veðri dillar glatt
 Í dalnum fugla skari,
 Þeir kalla mig, að hëðan hratt
 Úr hlið eg ofan fari.
 Þá hverf eg inn í skóghraun skjótt,
 Þar skemtileg er gangan,
 Með sumarfrið og sælugnótt
 Af sætri viðarangan.

Þar leikur hvíta hjarðfèð kátt
 Við hagans gróðursældir,
 Og breiðir lækir bruna dátt
 Um blómgrund, klappir, dældir,
 Og mörg ein birkihríslan há
 Á hraunborg þaktri mosa,
 Og grænna bakka gullblóm smá,
 Í gljá-straum spegluð brosa.

Unz straumur hrynur stríðum nið
 Af stall með fossfalls hviðu,
 Þar bjarktrè standa á hvora hlið
 Og hallast fram á iðu;
 Hvort öðru mót þar yfir flaum
 Með örmum seilist þöndum,
 Sem þau, er yfir örlögsstraum
 Í elsku takast höndum.

Þey! þey! jeg heyri harðan gný,
 Sem hrynji skriða um grundir,
 Að hraunsnös yztu hratt eg sný,
 Þar hyldjúps flug er undir.
 Sjá! *Hvítá* fram í fossi brýzt
 Úr fjalla gljúfrum þröngum
 Og blágræn, hvítfreydd hart fram knýst
 Í heljarkletta göngum.

Og stríðan svo í stokki fram
 Ín strauminn lætur sjóða,
 Jnz neðra þètt við hlið og hvamm
 Ín hægir fallið óða.
 Þar hinumegin *Hálsa-sveit*
 Með hliðar skógi grónar
 Og friðarspaka fèð á beit
 Er fegurst yndi sjónar.

En hær úr efsta hrauni geyst
 Þær hellir undan bjargi
 Eitt bergvatns haf, í lækjum leyst
 Úr læðing, undan fargi.
 Úr hvanna- og birkis bratthlið ótt
 Þær bunulækir hossa
 Og niðri *Hvítár* hyldjúp mjótt
 Þeir himintærir fossa.

Nú *Síðu-fjalli* sól er nær
 Og sælan skógar blóma
 Hún efst á hraunbrún allan slær
 Með angurbliðum ljóma.
 Ó, seg mér, eygló! ef þú sást
 Hinn unga *Gunnlaug* fyrrum
 Í þessum hlíðum, hrifinn ást,
 Á heiðum aptni kyrrum.

Hér sástu víst um síðkvöld hann,
 Þann svein með augum dökkum,
 Með *Hvítá* sjónin hvarfla vann
 Og hennar grænu bökkum.
 Svo langt sem kristals-lykkjað fljót
 Sig liðar út um vengi,
 Hann horfði vestur-hæðum mót
 Og horfði fast og lengi.

Því þar sem myrkblár múlinn fjærst
 Sèst mæna neðar völlum,
 Að baki hans sat brúður kærst,
 Sem bar af fljóðum öllum,
 Það haukfránt, gullhært vífið vænt
 Með Valkyrjunnar enni,
 Því var svo opt í vestrið mænt
 Þar vissi skáld af henni.

Um *Helgu* fögru fagurt söng
 Hver fugl í þessum runnum,
 Um hana voru ljóðin löng
 Frá lækja silfur-munnum,
 Og opt með blíðróm blandinn sorg
 Í blágeim álfir kváðu
 Um systursvaninn bjarta á *Borg*
 Og boð frá honum tjáðu.

En seinna skáld hær sástu í þraut,
 Ó, sól! og burt var prýðin,
 Þá *Skáld-Hrafn* fljóðið fagra hlaut
 Hve fölnuð sýndist hlíðin,
 Því *Ormstunga* við hrygðar hag
 Þá heyrði fugla snjalla
 Og sá ei framar sælan dag
 Und salnum dimmra fjalla.

ástar hrygð og heiptar móð
 Var halur einn á gangi,
 Og þegar stóð hann fram við flóð
 Und fögrum hlíðar-vangi,
 Þá var sem ýgldist elfur dimm
 Og úði af banafylgjum,
 Frá djúpi náhljóð drundu grimm
 Og dreyri flaut á bylgjum.

Það dísir grètu, að gumar þeir,
 Er glóðu af hreysti' og óði,
 Sem ungir fjalla-ernir tveir
 Í eigin hjuggust blóði.
 Svo grimmlegt stríð hlaut örnunum af
 Þeim itra *Borgar*-svani,
 Að loks þeir börðust handan haf,
 Þar hvor varð annars bani.

Og *Helga* lifði, svanur sá,
 Við sorg en enga gleði,
 Hún ól til *Gunnlaugs* aldur-þrá,
 Þó öðrum fylgdi' að beði.
 Með ástarljós í augum blám,
 Þá önd á vörum blakti,
 Hún vinaraskikkju væna á knjám
 Með veikum höndum rakti;

Unz drottinn lífi bjartrar brá
 Og burt hún leið í friði,
 Til blíðheims dimmri foldu frá,
 Því fullvel nú jeg tryði,
 Að andinn *Gunnlaugs* einatt hær,
 Á uppheims geisla bifi,
 Með friðrar svip í fangi sèr
 Um fagran himin svifi.

Hvað drynur svo? hve dimmum glaum
Nú dunar fljótið stríða!


Það sviptir mér frá sögudraum
Og söngvum fyrri tíða,
Og trútt mig kallar til mín sjálfs,
Af trega-rómi þrungið,
Mér finnst sem væri hljóð til hálf
Í hjarta mínu sungið.

Nú streymir áfram, elfar-flóð!
Sem aldrei svefnró fangar,
Og syngur þinnar æfi óð
Ím árpúsundir langar,
Mín dimma hljóða-dunan stinn
Í deyfa vill, en herða,
Og samróma við sönginn þinn
Íll sál mín einnig verða.

Nú kalda fljót! nú kveð eg þig
Í kyrrar aptanstundir,
Og leita frá þér leyndan stig,
Og þú löngu sól gekk undir.
Ó baki mér er birkihlíð,
Ó baki hljómar niður,
Og ann eyðist sem eg áfram líð,
Og nú allt er þögn og friður.

Á vesturhimni ríkir rótt
 Sá roðinn engilfagur,
 Sem hverfur ei þá heilög nótt
 Er heiðbjört eins og dagur,
 En eystra niðrá hrímfjöll hrein
 Skín hvítbleikt tunglið auða,
 Og stjarnan hjá því uppi' er ein,
 Sem ástin blið hjá dauða.

Þá vaknar löngun hugans há,
 In hreina og ódauðlega,
 Að lyptast duptsins fjötrum frá
 Til frjálsra himinvega.
 Ó, sumarnótt! svo heið og hljóð
 Sem hrífur sálu mína,
 Í þínum frið læt eg minn óð
 Með öðrum röddum dvína.



GAYLORD BROS.

MAKERS

SYRACUSE - N.Y.

Pat. Jan. 21, 1908

UNIVERSITY OF ILLINOIS-URBANA

839.6 T39G C001

Gillsbakka-ljo : kvl /



3 0112 089025164